

গণপ্রজাতন্ত্রী বাংলাদেশ সরকার  
যুব ও ক্রীড়া মন্ত্রণালয়  
সমন্বয় শাখা  
বাংলাদেশ সচিবালয়, ঢাকা।  
[www.moysports.gov.bd](http://www.moysports.gov.bd)

নং-৩৪.০০.০০০০.০৪৩.০৯.১২২.১৭-৪৫৩

তারিখঃ ১৬ অগ্রহায়ন ১৪২৪  
৩০ নভেম্বর ২০১৭

বিষয়ঃ দশম জাতীয় সংসদের যুব ও ক্রীড়া মন্ত্রণালয় সম্পর্কিত স্থায়ী কমিটির ৩৩তম বৈঠকের কার্যবিবরণী প্রেরণ।

সূত্রঃ বাংলাদেশ জাতীয়সংসদ সচিবালয়ের পত্র নং-১১.০০.০০০০.৭০৮.৪০.০১১.১৭/২৭৩, তারিখঃ ২৩-১১-২০১৭,

উপর্যুক্ত বিষয় ও সূত্রের প্রেক্ষিতে জাতীয় সংসদ সচিবালয়ে অনুষ্ঠিত যুব ও ক্রীড়া মন্ত্রণালয় সম্পর্কিত স্থায়ী কমিটির ৩৩তম বৈঠকের কার্যবিবরণী এতদসঙ্গে প্রেরণ করা হলো।

০২। সভায় গৃহীত সিদ্ধান্ত সমূহের বাস্তবায়ন অগ্রগতির প্রতিবেদনের সফটকপি (ই-মেইলে [mdalihaider65@gmail.com](mailto:mdalihaider65@gmail.com)) এবং হার্ড কপি জরুরি ভিত্তিতে আগামী ০৭-১২-২০১৭ তারিখের মধ্যে আবশ্যিকভাবে এ মন্ত্রণালয়ে প্রেরণের জন্য নির্দেশক্রমে অনুরোধ করা হলো।

সংযুক্তিঃ ০৩ (তিন) পাতা।



(মোঃ কামাল উদ্দিন বিশ্বাস)  
উপ-সচিব (প্রশাসন)  
ফোন : ৯৫৭৫৫০৬

বিতরণ (জ্যেষ্ঠতার ক্রমানুসারে নয়):

১. মহাপরিচালক, যুব উন্নয়ন অধিদপ্তর, ঢাকা।
২. মহাপরিচালক, বাংলাদেশ ক্রীড়া শিক্ষা প্রতিষ্ঠান, ঢাকা।
৩. সচিব, জাতীয় ক্রীড়া পরিষদ, ঢাকা।
৪. পরিচালক, ক্রীড়া পরিদপ্তর, ঢাকা।
৫. সচিব, বঙ্গবন্ধু ক্রীড়াসেবী কল্যাণ ফাউন্ডেশন, ঢাকা।
৬. সহকারী প্রোগ্রামার, যুব ও ক্রীড়া মন্ত্রণালয়, ঢাকা (ওয়েব সাইটে আপলোড ও ই-মেইল এ প্রেরণে অনুরোধসহ)।

অনুলিপি সদয় অবগতির জন্য (জ্যেষ্ঠতার ক্রমানুসারে নয়):

- ১। মাননীয় প্রতিমন্ত্রীর একান্ত সচিব, যুব ও ক্রীড়া মন্ত্রণালয়, ঢাকা।
- ২। মাননীয় উপমন্ত্রীর একান্ত সচিব, যুব ও ক্রীড়া মন্ত্রণালয়, ঢাকা।
- ৩। সচিবের একান্ত সচিব, যুব ও ক্রীড়া মন্ত্রণালয়, ঢাকা।

বাংলাদেশ জাতীয় সংসদ সচিবালয়  
কমিটি শাখা-৮

নং-১১.০০.০০০০.৭০৮.৪০.০১১.১৭/২৭৩

তারিখঃ ০৯ অগ্রহায়ণ ১৪২৪  
২৩ নভেম্বর ২০১৭

বিষয়ঃ দশম জাতীয় সংসদের যুব ও ক্রীড়া মন্ত্রণালয় সম্পর্কিত স্থায়ী কমিটির ৩৩তম বৈঠকের কার্যবিবরণী প্রেরণ।

১০ম জাতীয় সংসদের যুব ও ক্রীড়া মন্ত্রণালয় সম্পর্কিত স্থায়ী কমিটির গত ১৩ নভেম্বর ২০১৭ তারিখে অনুষ্ঠিত ৩৩তম বৈঠকের কার্যবিবরণী সদয় অবগতি ও প্রয়োজনীয় ব্যবস্থা গ্রহণের জন্য আদিষ্ট হয়ে এতদসঙ্গে প্রেরণ করা হলো।

সংযুক্তি : বর্ণনা মোতাবেক।

(মোঃ মোস্তফা কামাল)

কমিটি অফিসার

ফোন-৯১২৫৩৮৪।

Email:committee.8@parliament.gov.bd

বিতরণ :

- ১। সচিব, যুব ও ক্রীড়া মন্ত্রণালয়, বাংলাদেশ সচিবালয়, ঢাকা।
- ২। সিনিয়র সচিব মহোদয়ের একান্ত সচিব, বাংলাদেশ জাতীয় সংসদ সচিবালয়, ঢাকা।
- ৩। অতিরিক্ত সচিব(সিএস) মহোদয়ের ব্যক্তিগত কর্মকর্তা, বাংলাদেশ জাতীয় সংসদ সচিবালয়, ঢাকা।

ম.ম. (সিএস)

২৭/১১/১৭

উপ-সচিব (প্রশাসন)

ডায়েরী নং.....

তারিখ.....

সি. সহঃ সচিব/সহঃ সচিব (.....)

যুব ও ক্রীড়া মন্ত্রণালয় (সচিবের দপ্তর)	
ডায়েরী নং- ৪৬৭২	তারিখঃ ২৭/১১/১৭
অতিষ্ঠ সচিব (সিএস) মহোদয়ের একান্ত সচিব	জরুরী উপস্থাপন করুন
যুগ্মসচিব (প্রশাসন/সিএস) মহোদয়ের একান্ত সচিব	নথিতে লেগে রাখুন
যুগ্মসচিব (যুব-১/ক্রীড়া-২)	স্বাক্ষর দিন
যুগ্মসচিব (ক্রীড়া-১/ক্রীড়া-২)	আলোচনা করুন
উপপ্রধান	নথীভুক্ত করুন
সচিবের একান্ত সচিব	
সচিবের সচিবালয় কর্মকর্তা	সচিবের কার্যকর

বাংলাদেশ জাতীয় সংসদ



(কমিটি শাখা-৮, বাংলাদেশ জাতীয় সংসদ সচিবালয়)

বিষয় : ১০ম জাতীয় সংসদের যুব ও ক্রীড়া মন্ত্রণালয় সম্পর্কিত স্থায়ী কমিটির ৩৩তম বৈঠকের কার্যবিবরণী।

সভাপতি : জনাব মোঃ জাহিদ আহসান রাসেল এম.পি (১৯৫ গাজীপুর-২)

তারিখ : ১৩ নভেম্বর, ২০১৭ (২৯ কার্তিক, ১৪২৪)।

বার ও সময় : রবিবার, দুপুর ২-০০ ঘটিকা।

স্থান : ১নং স্থায়ী কমিটি কক্ষ, ২য় লেভেল, পশ্চিম ব্লক, বাংলাদেশ জাতীয় সংসদ ভবন, ঢাকা।

২। বৈঠকে কমিটির নিম্নবর্ণিত মাননীয় সদস্যবৃন্দ উপস্থিত ছিলেন :

ক্রঃ নং	মাননীয় সদস্যগণের নাম	নির্বাচনী এলাকা	কমিটিতে পদবী
(১)	ড. শ্রী বীরেন শিকদার, এম.পি, মাননীয় প্রতিমন্ত্রী	৯২ মাগুরা-২	সদস্য
(২)	জনাব আরিফ খান জয়, এম. পি. মাননীয় উপমন্ত্রী	১৫৮ নেত্রকোনা-২	সদস্য
(৩)	জনাব নাহিম রাজ্জাক, এম.পি,	২২৩ শরীয়তপুর-৩	সদস্য
(৪)	জনাব এ.এম নাঈমুর রহমান, এম.পি,	১৬৮ মানিকগঞ্জ-১	সদস্য
(৫)	জনাব মোঃ মাহবুব আলী, এম.পি,	২৪২ হবিগঞ্জ-৪	সদস্য
(৬)	জনাব মোঃ নূরুল ইসলাম তালুকদার, এম.পি	৩৮ বগুড়া-৩	সদস্য

৩। বৈঠকে বিশেষ আমন্ত্রণক্রমে বাংলাদেশ অলিম্পিক এসোসিয়েশনের (বিওএ) মহাপরিচালক ব্রিজেডিয়র জেনারেল (অবঃ) ফখরুদ্দিন হায়দার উপস্থিত ছিলেন।

৪। কমিটিকে সহায়তা প্রদানের জন্য যুব ও ক্রীড়া মন্ত্রণালয়ের সচিব জনাব মোঃ আসাদুল ইসলাম, যুগ্ম-সচিব জনাব মোঃ ওমর ফারুক, যুগ্ম-সচিব জনাব মোঃ ফাইজুল কবীর, যুগ্ম-সচিব জনাব মোঃ আজিজুল হক, যুগ্ম-সচিব জনাব মোঃ মোফাজ্জল হোসেন, এনডিসি, যুব উন্নয়ন অধিদপ্তরের মহাপরিচালক জনাব আনোয়ারুল করিম, বিকেএসপি'র মহাপরিচালক ব্রিজেডিয়র জেনারেল মোঃ সামছুর রহমান, বঙ্গবন্ধু ক্রীড়াসেবী কল্যাণ ফাউন্ডেশনের সচিব জনাব আনিস মাহমুদ, জাতীয় ক্রীড়া পরিষদের সচিব জনাব মোঃ সহিদুল্লাহ এবং যুব ও ক্রীড়া মন্ত্রণালয়ের উপ-সচিব তসলিমা আক্তার-সহ সংশ্লিষ্ট কর্মকর্তাগণ বৈঠকে উপস্থিত ছিলেন।

৫। কমিটির সাচিবিক দায়িত্ব পালনের জন্য জাতীয় সংসদ সচিবালয়ের উপসচিব ও কমিটি সচিব জনাব কল্লোল কুমার চক্রবর্তী, কমিটি অফিসার জনাব মোঃ মোস্তফা কামাল এবং সহকারী পরিচালক (গণসংযোগ) জনাব মোঃ মিজানুর রহমান-সহ সংশ্লিষ্ট কর্মকর্তাগণ বৈঠকে উপস্থিত ছিলেন।

৬। **সূচনা :**

৬.১। সভাপতি সকলকে শুভেচ্ছা ও স্বাগত জানিয়ে বৈঠক শুরু করেন। তিনি বৈঠকের শুরুতেই ৩রা নভেম্বর সংঘটিত স্বাধীন বাংলাদেশের প্রথম অস্থায়ী রাষ্ট্রপতি শহীদ সৈয়দ নজরুল ইসলাম, প্রধানমন্ত্রী শহীদ তাজউদ্দিন আহমেদ, শহীদ ক্যাপ্টেন মনসুর আলী এবং শহীদ কামরুজ্জামান-সহ জাতীয় চার নেতাকে হত্যা করা হয়েছিল, যারা বঙ্গবন্ধুর নেতৃত্বে অবর্তমানে মুক্তিযুদ্ধকে সুচারুরূপে পরিচালনা করেছিল তাদের অত্যন্ত শ্রদ্ধাভরে স্মরণ করেন।

৭। **বিগত ৩২তম বৈঠকের কার্যবিবরণী অনুমোদনঃ**

৭.১। সভাপতি বিগত ৩২তম বৈঠকের কার্যবিবরণী নিশ্চিতকরণের জন্য কমিটিতে উপস্থাপন করলে কার্যবিবরণীর ৬.২ অনুচ্ছেদের তৃতীয় লাইনে “ন্যাশনাল সার্ভিস প্রকল্পের প্রক্রিয়ার স্থলে “ন্যাশনাল সার্ভিস কর্মসূচির কার্যক্রম” ও ১২.৬ অনুচ্ছেদের প্রথম লাইনে “সিরিয়ার স্থলে অস্ট্রেলিয়া” সন্নিবেশিত করে সংশোধিত আকারে কার্যবিবরণীটি সর্বসম্মতিক্রমে অনুমোদিত ও কমিটি কর্তৃক গৃহীত হয়।

৮। গত বৈঠকের গৃহীত সিদ্ধান্ত বাস্তবায়নের অগ্রগতি সম্পর্কে আলোচনাঃ

৮.১। সভাপতির আহবানে যুব ও ক্রীড়া মন্ত্রণালয়ের সচিব জাতীয় সংসদের যুব ও ক্রীড়া মন্ত্রণালয় সম্পর্কিত স্থায়ী কমিটির ৩<sup>তম</sup> বৈঠকে গৃহীত সিদ্ধান্তসমূহের বাস্তবায়ন অগ্রগতি সম্পর্কে কমিটিকে অবহিত করেন।

৮.২। কমিটির মাননীয় সদস্য ও প্রতিমন্ত্রী ড. শ্রী বীরেন শিকদার বলেন, বিকেএসপি'র বোর্ড অব গভর্নর্স এর সভায় বিকেএসপি'র কৃতি ক্যাডেট প্যারা কমান্ডো লেঃ কর্ণেল শহীদ আবুল কালাম আজাদ এর নামে বিকেএসপি'র ইন্ডোর ক্রিকেট গ্রাউন্ডের নামকরণের প্রস্তাব অনুমোদন করা হয়। অন্যান্য স্থাপনার ক্ষেত্রেও দেশের প্রথিতযশা ক্রীড়া ব্যক্তিত্বদের নামে নামকরণের বিষয়ে সিদ্ধান্ত গ্রহণ করা হয়েছে। তিনি আরও বলেন, কোন কোন স্থাপনা কার নামে করতে হবে সেজন্য যুগ্ম-সচিব (ক্রীড়া)কে সভাপতি করে কমিটি গঠন করা হয়েছে। এ কমিটি জেলা ক্রীড়া সংস্থার নিকট থেকে প্রস্তাব সংগ্রহ করে বিষয়টি পর্যালোচনার পর বোর্ড অব গভর্নর্স এর সভায় উপস্থাপন করবেন। সে অনুযায়ী দেশের অন্যান্য ক্রীড়া স্থাপনাগুলোও নামকরণের ব্যাপারে ব্যবস্থা নেয়া হবে। পাশাপাশি স্থায়ী কমিটির সাথে আলোচনা করে মতামত গ্রহণ করা হবে।

৮.৩। কমিটির মাননীয় সদস্য ও উপমন্ত্রী জনাব আরিফ খান জয় বলেন, বিকেএসপি'র কৃতি ক্যাডেট প্যারা কমান্ডো লেঃ কর্ণেল শহীদ আবুল কামাল আজাদ এর নামে ইন্ডোর ক্রিকেট গ্রাউন্ডের নামকরণ করা যেতে পারে। তিনি দেশের জন্য জীবন দিয়েছেন। পাশাপাশি আমাদের দেশে প্রথিতযশা খেলোয়াড় রয়েছে যাদের নামেও নামকরণ করা যেতে পারে। তিনি বলেন, খুলনায় সড়ক দুর্ঘটনায় মারা যাওয়া জাতীয় দলের সাবেক খেলোয়াড় মানজারুল ইসলাম রানার নামে করা যেতে পারে মর্মে বৈঠকে উল্লেখ করেন। তাছাড়া, স্বাধীন বাংলা ফুটবল দলের অনেক খেলোয়াড় মুক্তিযুদ্ধকে তুরান্বিত করেছে এবং খেলার মাধ্যমে অর্থ আহরণ করেছে তাদের নামের পাশাপাশি খেলার যাদুকর সামাদ এর নামে তার নিজ জেলা স্টেডিয়ামের নামকরণ করার অনুরোধ করেন। বাংলাদেশের প্রথম ফুটবল খেলার অধিনায়ক দেশের জন্য সবচেয়ে বেশী সফলতা এনেছে এবং ভারত-বাংলাদেশের মধ্যে সেরা খেলোয়াড় হিসেবে বিবেচিত হয়েছিলেন জাতীয় দলের সাবেক কৃতি খেলোয়াড় অকাল প্রয়াত মোনেম মুন্নার নামেও স্থাপনার নামকরণের প্রস্তাব করেন।

৮.৪। সভাপতি বিকেএসপি'র ইন্ডোর ক্রিকেট গ্রাউন্ডকে কৃতি প্যারা কমান্ডো লেঃ কর্ণেল শহীদ আবুল কালাম আজাদের নামে নামকরণের সিদ্ধান্ত গ্রহণ করায় স্থায়ী কমিটির পক্ষ থেকে বিকেএসপি'র বোর্ড অব গভর্নর্সের সদস্যবৃন্দকে ধন্যবাদ জ্ঞাপন করেন। পাশাপাশি জাতীয় দলের সাবেক খেলোয়াড় মোনেম মুন্না ও মানজারুল ইসলাম রানাসহ অসংখ্য নাম নাজানা দেশের প্রথিতযশা ক্রীড়াবিদ যারা বাংলাদেশকে আলোকিত করেছেন ও দেশের সম্মান বিশ্বের মাঝে ছড়িয়ে দিয়েছেন, তাই বিকেএসপি'র স্থাপনাসহ দেশের বিভিন্ন স্থাপনায় তাদের নামে নামকরণের উদ্যোগ গ্রহণের আশাবাদ ব্যক্ত করেন।

৮.৫। মন্ত্রণালয়ের সচিব বলেন, বিকেএসপি একটি স্বায়ত্বশাসিত সংস্থা। এ সংস্থায় পেনশন প্রদানের কোন নিয়ম নেই। তবে ন্যাশনাল কাউন্সিলে পেনশন দেয়ার নিয়ম আছে। এন এস সির রেফারেন্স দিয়ে একটি প্রস্তাব তৈরী করে অর্থ মন্ত্রণালয়ে প্রেরণ করা হবে মর্মে অবহিত করেন।

৮.৬। কমিটির মাননীয় সদস্য জনাব এ.এম নাঈমুর রহমান বলেন, বিকেএসপি'র পক্ষে এককভাবে পেনশন প্রথা চালু করা সম্ভব নয়। তবে এন এস সির রেফারেন্স দিয়ে একটি প্রস্তাব অর্থ মন্ত্রণালয়ে পাঠানোর বিষয়ে তিনি একমত পোষন করেন।

৯। যুব উন্নয়ন অধিদপ্তরের "দারিদ্র বিমোচনের লক্ষ্যে ব্যাপক প্রযুক্তি নির্ভর সমন্বিত সম্পদ ব্যবস্থাপনা ফেজ-২)" প্রকল্পের সার্বিক কার্যক্রম সম্পর্কে আলোচনাঃ

৯.১। সভাপতির আহবানে প্রকল্প পরিচালক জনাব মোঃ আঃ হামিদ খান প্রকল্পের উপর নির্মিত একটি ডকুমেন্টারী এবং মাঠ পর্যায়ের গৃহীত কার্যক্রমের কিছু আলোকচিত্রসহ প্রকল্পের উদ্দেশ্য, লক্ষ্য, প্রধান প্রধান কার্যক্রম, অগ্রগতি ও বায়োগ্যাস প্লান্ট সম্পর্কিত তথ্যাবলী সংক্ষিপ্ত আকারে বৈঠকে তুলে ধরেন। তিনি বলেন, দেশের জ্বালানী সংকট নিরসন, জৈব সার উৎপাদন, মানুষের স্বাস্থ্য ও জীবন মান উন্নয়ন এবং প্রাকৃতিক ভারসাম্য সংরক্ষণের লক্ষ্যে যুব উন্নয়ন অধিদপ্তর এর মাধ্যমে ২০০৬-২০১১ পর্যন্ত একটি পাইলট প্রকল্প গ্রহন করে দেশের ১০টি উপজেলায় তা বাস্তবায়িত হয়। এ প্রকল্পের সফল বাস্তবায়নের উপর নির্ভর করে পরবর্তিতে IMPACT(Phase-2) প্রকল্প চালু করা হয়।

তিনি বলেন, বায়োগ্যাস প্ল্যান্ট স্থাপনের মাধ্যমে বিকল্প জ্বালানী হিসেবে উৎপাদিত বায়োগ্যাসের মাধ্যমে ধোঁয়াহীন, আরামদায়ক, স্বাস্থ্যসম্মত এবং শাস্ত্রীয় রান্নার সুযোগ সৃষ্টি করা, বিদ্যুৎ উৎপাদন করা, গবাদী পশু ও হাঁস-মুরগীর খামারে দুঃগন্ধ ও দুষণমূলক স্বাস্থ্যসম্মত পরিবেশ

সৃষ্টি করা, উন্নতমানের জৈব সার তৈরি করা এবং পোস্ত্রী খামার/গবাদী পশু খামার স্থাপনের মাধ্যমে যুবদের কর্মসংস্থানের সৃষ্টি করা যায় মর্মে বৈঠকে উল্লেখ করেন। তিনি বলেন, প্রকল্পটি সময়োপযোগী প্রকল্প। স্বাস্থ্য, পরিবেশ, জ্বালানী ও দারিদ্র বিমোচনে বিশেষ ভূমিকা পালন করে যাচ্ছে বিধায় পর্যায়ক্রমে প্রকল্পের জন্য উপযোগী সকল উপজেলায় এর কার্যক্রম চালু করার নিমিত্তে প্রকল্পের ২য় পর্যায় গ্রহণ করা যেতে পারে।

৯.২। সভাপতি বিস্তারিত আলোচনান্তে বলেন, বায়োগ্যাস প্রকল্প গ্রহণ করার মাধ্যমে আত্মকর্মসংস্থানের ব্যবস্থা হয়েছে। পাশাপাশি এনার্জি ও ক্লাইমেট ক্লাইসিস যা সারা বিশ্বে প্রভাব ফেলছে, এ সংকট মোকাবেলায় এ প্রকল্প একটি কার্যকর ভূমিকা রাখতে পারে। এটা ব্যাপকভাবে সারা দেশে চালু করার নিমিত্তে কার্যকর পদক্ষেপ নেয়ার জন্য নির্দেশনা প্রদান করেন। পাশাপাশি ক্লাইমেট ফান্ড সংগ্রহের বিষয়ে প্রয়োজনে স্থায়ী কমিটির পক্ষ থেকে সহযোগিতা করা হবে মর্মে বৈঠকে উল্লেখ করেন।

#### ১০। বাংলাদেশ ইয়ুথ গেমস আয়োজনের সার্বিক প্রস্তুতি সম্পর্কে আলোচনাঃ

১০.১। বাংলাদেশ অলিম্পিক এসোসিয়েশন (বিওএ) এর মহাপরিচালক ব্রিগেডিয়ার জেনারেল ফখরুদ্দিন হায়দার (অবঃ) একটি কার্যপত্রের মাধ্যমে বাংলাদেশ যুব গেমস-২০১৮ এর উদ্দেশ্য ও লক্ষ্য, তার সম্ভাব্য ফলাফল/প্রভাব, ভবিষ্যৎ কর্মপরিকল্পনা, গৃহীত পদক্ষেপসহ গেমসটি সুষ্ঠুভাবে আয়োজনের লক্ষ্যে গঠিত বিভিন্ন সাংগঠনিক কমিটি/উপ-কমিটি এবং সাংগঠনিক কোর কমিটিসহ তার সার্বিক কার্যক্রম সংক্ষিপ্ত আকারে বৈঠকে তুলে ধরেন।

তিনি বলেন, বাংলাদেশ যুব গেমস-২০১৮ প্রথমবারের মত বিওএ'র তত্ত্বাবধানে অনুষ্ঠিত হতে যাচ্ছে। এ গেমসটি বাংলাদেশের তৃণমূল হতে তরুণ ও তরুণী খেলোয়াড়দের অংশগ্রহণ ও কৃতি খেলোয়াড়দের জাতীয় পর্যায়ে তাদের অংশগ্রহণ ও সম্পৃক্ততার একটি সুযোগ তৈরি করবে। গেমসটি জেলা ও বিভাগীয় পর্যায়ে স্ব স্ব ক্রীড়া সংস্থার সার্বিক তত্ত্বাবধানে এবং বিভাগীয় ও জেলা পর্যায়ের কোর কমিটির পরিচালনায় অনুষ্ঠিত হবে। গেমসটি আয়োজন করার নিমিত্তে কেন্দ্রীয় পর্যায় থেকে শুরু করে জেলা পর্যন্ত শক্তিশালী সাংগঠনিক কমিটি গঠন করা হয়েছে। পাশাপাশি বাংলাদেশ যুব গেমস-২০১৮ আয়োজনের জন্য সকল পর্যায়ের নীতি নির্ধারকদের সাথে বৈঠক করে সাফল্যমন্ডিতভাবে আয়োজনের ব্যাপারে সকলের মতামত সন্নিবেশিত করে একটি নির্দেশিকা চূড়ান্ত করা হবে মর্মে বৈঠকে অবহিত করেন।

১০.২। সভাপতি বলেন, বাংলাদেশ যুব গেমস ২০১৮ সফলভাবে বাস্তবায়নের নিমিত্ত প্রতিটি সাব-কমিটিতে মাননীয় মন্ত্রী বা তার সমপর্যায়ের কাউকে উপদেষ্টা হিসেবে রাখা হয়েছে। পাশাপাশি জেলা পর্যায়ের কমিটিগুলোতে স্থানীয় মাননীয় সংসদ সদস্যকে উপদেষ্টা হিসেবে সম্পৃক্ত করার জন্য নির্দেশনা প্রদান করেন।

#### ১১। বিবিধ

১১.১। সভাপতির অনুমতিক্রমে যুব উন্নয়ন অধিদপ্তরের মহাপরিচালক বলেন, যুব উন্নয়ন অধিদপ্তরের সমাপ্ত ৫টি উন্নয়ন প্রকল্পের ১৩০২ জন কর্মকর্তা/কর্মচারী রাজস্বখাতে স্থানান্তর বিষয়ে মাননীয় প্রধানমন্ত্রীর নির্দেশনা অথবা মহামান্য সুপ্রীম কোর্টের আপীল বিভাগের রায় বাস্তবায়ন প্রসঙ্গে বিস্তারিত তুলে ধরেন। তিনি বলেন, যুব উন্নয়ন অধিদপ্তরের সমাপ্ত ৫টি প্রকল্পে কর্মরত ১৩০২ জন কর্মকর্তা/কর্মচারী দীর্ঘ ১০ বছর থেকে ২০ বছর যাবত কর্মরত থেকে নিয়মিত বেতন ভাতাদী না পেয়ে এবং চাকুরি রাজস্ব খাতে স্থানান্তর না হওয়ায় চরম অনিশ্চয়তা ও হতাশার মধ্যে পরিবার-পরিজন নিয়ে মানবেতর জীবন যাপন করছে। তিনি আরও বলেন, যুব উন্নয়ন অধিদপ্তরের প্রশিক্ষণ কার্যক্রমের গতিশীলতা বৃদ্ধি করা যেতে পারে। তাছাড়া যুব উন্নয়ন অধিদপ্তরের সমাপ্ত ৫টি প্রকল্পে কর্মরত ১৩০২ জন কর্মকর্তা/কর্মচারী জনবলের দুঃখ দুর্দশা লাঘবে তাদের চাকুরী স্বয়ংক্রিয়ভাবে রাজস্বখাতে স্থানান্তরের বিষয়ে মাননীয় প্রধানমন্ত্রীর সদয় নির্দেশনা বাস্তবায়ন এবং মহামান্য আদালতের রায় বাস্তবায়নের বিষয়ে যুব ও ক্রীড়া মন্ত্রণালয় সম্পর্কিত সংসদীয় স্থায়ী কমিটির হস্তক্ষেপ কামনা করেন।

তিনি বলেন, মাননীয় প্রধানমন্ত্রীর অনুশাসন অনুযায়ী ড্রাইভিং বিষয়ে প্রশিক্ষণ দেয়ার উদ্যোগ গ্রহণ করার নিমিত্তে মাননীয় প্রতিমন্ত্রী ডিও দিয়ে পরিকল্পনা মন্ত্রণালয়ে প্রেরণ করা হলে সড়ক ও জনপথ মন্ত্রণালয় প্রশিক্ষণের কাজটি সম্পন্ন করবে মর্মে ফেরত প্রদান করে।

১১.২। সভাপতি বলেন, যুব উন্নয়ন অধিদপ্তরের মহাপরিচালক আগামী ডিসেম্বর ২০১৭/মাসে পিআরএল যাচ্ছেন। তিনি দীর্ঘদিন যুব উন্নয়ন অধিদপ্তরে অত্যন্ত নিষ্ঠা ও সততার সাথে দায়িত্ব পালন করেছেন এবং সংসদীয় কমিটিতেও অত্যন্ত বলিষ্ঠ ভূমিকা রেখেছেন। এ অধিদপ্তরকে এগিয়ে নেয়ার জন্য তার অবদান অনেক ছিল। অনেক ক্ষেত্রে তিনি সফল হয়েছেন। তিনি সংসদীয় স্থায়ী কমিটির পক্ষ থেকে তার জন্য শুভ কামনা করেন। তাছাড়া যুব উন্নয়ন অধিদপ্তরের মহাপরিচালক এর প্রস্তাব অনুযায়ী মানবিক কারণে যুব উন্নয়ন অধিদপ্তরের সমাপ্ত ৫টি উন্নয়ন প্রকল্পের ১৩০২ জন কর্মরত কর্মকর্তা-কর্মচারীর চাকুরী স্বয়ংক্রিয়ভাবে রাজস্বখাতে স্থানান্তরের বিষয়ে মাননীয় প্রধানমন্ত্রীর সদয় নির্দেশনা বাস্তবায়নের পদক্ষেপ গ্রহণের জন্য নির্দেশ প্রদান করেন।

সভাপতি যুব উন্নয়ন অধিদপ্তর এর নিয়ন্ত্রণাধীন প্রশিক্ষণ কেন্দ্রে ড্রাইভিং প্রশিক্ষণ দেয়ার বিষয়ে মাননীয় প্রধানমন্ত্রীর একটি অনুশাসন রয়েছে। মাননীয় প্রতিমন্ত্রী এ বিষয়ে একটি ডিও পত্র দিয়েছেন সেহেতু বিষয়টি অগ্রাধিকার পাবার নিমিত্তে মাননীয় প্রতিমন্ত্রীর ডিও পত্রের কপি নিয়ে বিষয়টি সূর্যাহার লক্ষ্যে মাননীয় পরিকল্পনার মন্ত্রীর সাথে সাক্ষাত করা যেতে পারে মর্মে অভিমত ব্যক্ত করেন।

তাছাড়া, বিশ্ব প্রামাণ্য ঐতিহ্য হিসেবে বাংলাদেশের প্রতিষ্ঠাতা জাতির পিতা বঙ্গবন্ধু শেখ মুজিবুর রহমানের দেয়া ৭ই মার্চ এর ভাষণটি ইউনেস্কো কর্তৃক স্বীকৃতি পেয়েছে। অনেক সময় পরে হলেও বিশ্ব প্রামাণ্য ঐতিহ্য হিসেবে তার স্বীকৃতি মিলেছে। এজন্য জাতির পিতা বঙ্গবন্ধু শেখ মুজিবুর রহমানের প্রতি বিনম্র শ্রদ্ধা জ্ঞাপন করেন।

পাশাপাশি সম্প্রতি বাংলাদেশে সিপিসি (কমনওয়েলথ পার্লামেন্টারী কনফারেন্স) অনুষ্ঠিত হয়েছে। যেখানে বিশ্বের বিভিন্ন দেশের ১৬ জন মাননীয় স্পীকার এবং প্রাদেশিক পরিষদের ৪০ জন মাননীয় স্পীকার এবং ৫২৫ জন মাননীয় সংসদ সদস্য অংশ গ্রহণ করেন। দেশী বিদেশী অনেক অবজারভার নিয়ে সিপিসি অত্যন্ত সফলভাবে অনুষ্ঠিত হওয়ায় মাননীয় প্রধানমন্ত্রী ও জননেত্রী শেখ হাসিনা যিনি সিপিসির কো-প্যাট্রোন ছিলেন তাকে ধন্যবাদ জানান। পাশাপাশি সিপিসি সম্মেলন সফলভাবে বাস্তবায়ন হওয়ায় বাংলাদেশ জাতীয় সংসদের মাননীয় স্পীকার ড. শিরীন শারমিন চৌধুরীসহ জাতীয় সংসদ সচিবালয়ের সকল কর্মকর্তা ও কর্মচারীবৃন্দকে আন্তরিক ধন্যবাদ জ্ঞাপন করেন।

১২। বিস্তারিত আলোচনার পর নিম্নলিখিত সিদ্ধান্তসমূহ গৃহীত হয় :

- (ক) বিকেএসপি'র বিভিন্ন স্থাপনা এবং স্টেডিয়ামের গ্যালারীগুলোতে প্রতিথযশা ক্রীড়াবিদদের নামে নামকরণের প্রয়োজনীয় পদক্ষেপ গ্রহণ করা;
- (খ) বায়োগ্যাস প্লান্ট ব্যাপকভাবে সারা দেশে চালু করার জন্য প্রকল্পের মেয়াদ বৃদ্ধির কার্যক্রম গ্রহণ করা;
- (গ) বাংলাদেশ যুব গেমস-২০১৮ সফলভাবে আয়োজনের জন্য প্রয়োজনীয় ব্যবস্থা গ্রহণ করা;
- (ঘ) বাংলাদেশ যুব গেমস ২০১৮ সফলভাবে বাস্তবায়নের নিমিত্ত জেলা পর্যায়ের কমিটিতে স্থানীয় মাননীয় সংসদ সদস্যকে উপদেষ্টা হিসেবে সম্পৃক্ত করার ব্যবস্থা করা;
- (ঙ) মাননীয় প্রধানমন্ত্রীর অনুশাসন অনুযায়ী যুব উন্নয়ন অধিদপ্তর এর নিয়ন্ত্রণাধীন প্রশিক্ষণ কেন্দ্রে ড্রাইভিং প্রশিক্ষণ দেয়ার প্রয়োজনীয় উদ্যোগ গ্রহণ করা;
- (চ) যুব উন্নয়ন অধিদপ্তরের সমাপ্ত ৫টি উন্নয়ন প্রকল্পের ১৩০২ জন কর্মরত কর্মকর্তা-কর্মচারীর চাকুরী স্বয়ংক্রিয়ভাবে রাজস্বখাতে স্থানান্তরের বিষয়ে মাননীয় প্রধানমন্ত্রীর সদয় নির্দেশনা বাস্তবায়নের পদক্ষেপ গ্রহণ করা; এবং
- (ছ) বাংলাদেশ হকি ফেডারেশনের কার্যক্রম সম্পর্কে পরবর্তী যে কোন সভায় আলোচনার সিদ্ধান্ত গৃহীত হয়।

স্বাক্ষরিত/

২১/১১/২০১৭

(মোঃ জাহিদ আহসান রাসেল এম.পি)--

সভাপতি

যুব ও ক্রীড়া মন্ত্রণালয় সম্পর্কিত স্থায়ী কমিটি  
বাংলাদেশ জাতীয় সংসদ ঢাকা।

২৭